

第二九一冊

明倫彙編

官常典

將帥部

（卷）
四九一

古今圖書集成

中華書局影印

卷二十一

書

卷二十一

書

書

古今圖書集成

中華書局影印

欽定古今圖書集成明倫彙編官常典
第四百三十九卷目錄

將帥部彙考九

皇清五

將帥部彙考十

禮記月令

東西蕃上將次將各一星郎將一星圖考

斗魁戴匡六星太陽守一星圖考

角宿石星圖考

騎官二十七星車騎三星騎陣將軍一星圖考

房宿四星圖考

河鼓三星圖考

奎宿十六星圖考

天大將軍十一星存十星圖考

畢宿八星圖考

參宿七星圖考

官常典第四百三十九卷

將帥部彙考九

皇清五

大清會典鎮戍將領十二

江西

南瑞鎮

鎮守南瑞總兵官一員駐劄南昌府標下前後

二營管轄南昌城守營南昌水師營銅鼓營武

寧營瑞州營撫州營饒州營建昌營廣信營原

係九江總兵官康熙七年移駐南昌改為南瑞
總兵官十三年裁二十二年復設

前營遊擊一員 守備一員

千總二員 把總四員

後營遊擊一員 守備一員

千總二員 把總四員

舊設中營遊擊等官康熙二十四年裁左營遊

擊等官康熙十年裁

南昌城守營守備一員

千總一員 把總一員

南昌水師營守備一員原設城守水師營遊擊

康熙六年裁十三年復設十四年改設水師總

兵官十九年裁設水師遊擊守備二十一年裁

遊擊

千總一員 把總一員

銅鼓營守備一員 把總一員

武寧營守備一員 把總一員

瑞州營守備一員原設守備康熙十五年添設

遊擊二十一年裁遊擊

把總一員

撫州營守備一員原設守備順治十二年改設

遊擊十五年改設副將十八年裁康熙二十四

年復設守備 千總一員

把總二員

饒州營參將一員駐劄饒州府兼轄鄱陽湖營

浮梁營原設參將康熙十四年改設總兵官二

十一年裁仍設參將 守備一員

千總一員 把總二員
鄱陽湖營守備一員駐劄康山

把總一員

浮梁營守備一員駐劄浮梁縣

把總一員

建昌營遊擊一員駐劄建昌府兼轄廣昌營原

設參將康熙二年裁五年復設十年改設副將

十四年裁設城守守備二十一年裁二十四年

復設遊擊 守備一員

千總一員 把總二員

廣昌營守備一員原設守備康熙十四年添設

遊擊二十一年裁遊擊

把總一員

廣信營參將一員駐劄廣信府兼轄鉛山營

守備一員 千總一員

把總二員

鉛山營守備一員 把總一員

南贛鎮

鎮守南贛總兵官一員駐劄贛州府標下中左

後三營管轄贛州城守營寧都營南安營興國

營文英營未鎮營橫岡營羊角營吉安營龍泉

營萬安營未豐營未新營

中營遊擊一員 守備一員

千總二員 把總四員

左營遊擊一員 守備一員

千總二員 把總四員

後營遊擊一員 守備一員

千總二員 把總四員

舊設旗鼓守備一員順治十五年裁右營前營遊擊等官康熙二十一年裁

贛州城守營守備一員原設副將康熙六年改設守備十五年復設副將二十一年裁仍設守備 把總一員

寧都營參將一員駐劄寧都縣原設南贛左協副將康熙十年改設寧都營參將 千總二員

把總四員 南安營參將一員駐劄南安府原設南贛右協副將康熙十年改設南安營參將 千總二員

守備一員 把總四員 典國營守備一員 千總一員

把總二員 文英營守備一員原設長沙營順治十三年改爲文英營 把總一員

永鎮營守備一員 把總一員 橫岡營守備一員 把總一員

羊角營守備一員 把總一員 吉安營參將一員駐劄吉安府原設參將康熙十四年改設副將二十一年復設參將

守備一員原設二員康熙二十一年裁一員 千總一員 把總二員 龍泉營守備一員原設守備康熙十五年添設遊擊二十一年裁遊擊

把總一員

萬安營守備一員原設守備康熙十七年添設遊擊二十一年裁遊擊 把總一員

永豐營守備一員 把總一員 永新營守備一員原設守備康熙十七年添設遊擊二十一年裁遊擊 把總一員

袁州副將一員駐劄袁州府兼轄樟樹營原設副將康熙十三年改設袁臨總兵官二十一年裁復設副將 都司僉書一員

千總二員 把總四員 舊設城守營遊擊守備各一員康熙二十一年裁 樟樹營守備一員

把總一員 九江副將一員駐劄九江府兼轄南康營南湖南康營總兵官康熙七年移駐南昌八年設九江營參將十年改設副將十三年改設城守守備十五年復設總兵官十七年裁復設副將

都司僉書一員原設左右兩軍守備二員康熙二十四年裁設都司 把總四員

南康營守備一員 把總一員 南湖營守備一員原設守備順治十八年添設遊擊康熙二十四年裁擊遊 千總一員 把總二員

舊設 提督一員標下設中左右前後五營官康熙七

年裁十三年復設十五年以提督分管九江袁州臨江贛州南安瑞州六府添設提督一員分管吉安撫州建昌廣信饒州南康六府十八年歸併通省提督二十一年裁 九江總兵官一員標下設中左右三營官康熙十七年裁 南昌水師總兵官一員標下設左右二營官康熙十九年裁 饒州總兵官一員標下設中左右三營官康熙二十一年裁 袁臨總兵官一員標下設中前後三營官康熙二十一年裁 豐城營守備一員 奉新營守備一員 靖安營守備一員 臨江城守營遊擊守備 各一員已上康熙二十一年裁 鎮戍將領十三 福建 陸路提督一員駐劄泉州府統轄全省陸路鎮營原設提督康熙十七年改設全省水陸提督 本年改專管陸路 中營參將一員 守備一員 千總二員 把總四員 左營遊擊一員 守備一員 千總二員 把總四員 右營遊擊一員 守備一員 千總二員 把總四員

前營遊擊一員	守備一員
千總二員	把總四員
後營遊擊一員	守備一員
千總二員	把總四員
舊設旗鼓守備一員順治十五年裁	
水師提督一員駐劄廈門統轄全省水師鎮營	
原設水師提督康熙七年裁八年改設總兵官	
十六年令海澄公管水師提督事務十七年復設提督	
中營參將一員原設參將康熙八年改設遊擊	
十八年復設參將	守備一員
千總二員	把總四員
左營遊擊一員	守備一員
千總二員	把總四員
右營遊擊一員	守備一員
千總二員	把總四員
前營遊擊一員	守備一員
千總二員	把總四員
後營遊擊一員	守備一員
千總二員	把總四員
漳浦鎮	
鎮守漳浦總兵官一員駐劄漳浦縣標下中左	
右三營兼轄汀州營漳州營原設左路總兵官	
順治六年改爲汀州總兵官七年改爲汀邵漳	
泉總兵官八年改爲漳浦總兵官十六年裁十	
七年復設	
中營遊擊一員	守備一員

千總二員	把總四員
左營遊擊一員	守備一員
千總二員	把總四員
右營遊擊一員	守備一員
千總二員	把總四員
舊設旗鼓守備一員順治十五年裁漳浦營參將等官康熙二十三年裁	
汀州城守副將一員駐劄汀州府原設副將康熙元年裁八年復設	
中營遊擊一員	守備一員
千總二員	把總四員
左營遊擊一員	守備一員
千總二員	把總四員
右營遊擊一員	守備一員
千總二員	把總四員
漳州城守守備一員原設副將一員康熙二十三年調駐澎湖中營遊擊守備裁改設城守守備	
千總二員	
把總四員	
左營遊擊一員駐劄平和縣	
守備一員	千總二員
把總四員	
右營遊擊一員駐劄漳州府	
守備一員	千總二員
把總四員	
舊設漳州水師副將並三營遊擊等官康熙二年裁	

福寧鎮	
鎮守福寧總兵官一員駐劄福寧州標下中左	
右三營兼轄建寧營延平營羅源營連江營	
中營遊擊一員	守備一員
千總二員	把總四員
左營守備一員原設遊擊康熙十一年裁設守備	
千總二員	
把總四員	
右營遊擊一員駐劄寧德縣	
守備一員	千總二員
把總四員	
舊設前營遊擊等官康熙六年裁福寧州參將等官順治十四年裁福寧營遊擊等官康熙二十三年裁	
建寧城守副將一員駐劄建寧府	
中營遊擊一員	守備一員
千總二員	把總四員
左營遊擊一員駐劄崇安縣	
守備一員	千總二員
把總四員	
右營遊擊一員駐劄松溪縣	
守備一員	千總二員
把總四員	
延平城守副將一員駐劄延平府	
左營遊擊一員駐劄將樂縣	
守備一員	千總二員
把總四員	

右營遊擊一員駐劄永安縣
守備一員 千總二員
把總三員
羅源營遊擊一員駐劄羅源縣
守備一員 千總二員
把總四員
連江營遊擊一員駐劄連江縣原設連江羅源
遊擊一員康熙元年分設二營六年裁連江營
八年復設 守備一員
千總二員 把總三員
興化鎮
鎮守興化總兵官一員駐劄興化府標下中左
右三營兼轄福州營泉州營邵武營長樂營福
清營同安營原設水師右路總兵官康熙八年
改爲興化總兵官
中營遊擊一員原設遊擊康熙十一年裁二十
一年復設 守備一員
千總二員 把總三員
左營遊擊一員駐劄涵江汛原設遊擊康熙十
九年裁二十一年復設 千總二員
守備一員
把總四員
右營遊擊一員原設守備一員康熙二十五年
裁 千總二員
把總四員
舊設興化城守營遊擊等官康熙二十三年裁
福州城守副將一員駐劄福州府

中營遊擊一員原設守備一員康熙二十五年
裁 千總二員
把總四員
左營守備一員原設遊擊一員康熙二十三年
裁 千總一員
把總四員
右營遊擊一員 守備一員
千總二員 把總四員
泉州城守營千總二員原設參將一員康熙二
十五年裁守備一員康熙二十三年裁
把總四員
舊設泉州水師參將等官康熙二年裁
邵武城守遊擊一員駐劄邵武府原設副將康
熙二十五年裁
左營守備一員原設遊擊一員康熙二十三年
裁 千總二員
把總四員
右營千總二員原設守備一員康熙十一年裁
把總四員
長樂營遊擊一員駐劄長樂縣原設長樂福清
遊擊一員康熙元年分設二營
守備一員 千總二員
把總三員
福清營遊擊一員駐劄福清縣
守備一員 千總二員
把總三員
同安城守營遊擊一員駐劄同安縣原設副將

康熙二年改設總兵官五年仍設副將八年裁
本年仍設副將二十三年改設遊擊
守備一員 千總二員
把總四員
海壇鎮
鎮守海壇總兵官一員駐劄海壇汛標下中左
右三營原設援勦左鎮總兵官康熙十九年改
爲海壇總兵官
中營遊擊一員 守備一員
千總一員 把總四員
左營守備一員原設遊擊一員康熙二十三年
裁 千總二員
把總四員
右營遊擊一員 守備一員
千總二員 把總四員
金門鎮
鎮守金門總兵官一員駐劄金門標下中左右
三營原設援勦右鎮總兵官康熙十九年改爲
金門總兵官
中營遊擊一員 守備一員
千總二員 把總四員
左營遊擊一員駐劄頭頭原設守備一員康熙
二十三年裁 千總二員
把總三員
右營守備一員原設遊擊一員康熙二十三年
裁 千總二員
把總四員

銅山副將一員駐劄銅山原設援剿前鎮總兵
官康熙十八年改爲銅山總兵官二十三年裁
改設副將

左營遊擊一員原設守備一員康熙二十五年
裁 千總二員

把總四員

右營遊擊一員原設守備一員康熙二十三年
裁 千總二員

把總四員

舊設中營遊擊等官銅山鎮標遊擊等官俱康
熙二十三年裁

海澄營遊擊一員駐劄海澄縣原設副將康熙
八年裁十八年復設二十三年裁

守備一員 千總一員

把總二員

舊設中營遊擊等官康熙八年裁左營遊擊等
官康熙二十三年裁

雲霄營守備一員原設守備二員康熙十八年
添設參將一員二十三年裁守備一員二十五

年裁參將一員 千總二員

把總三員

詔安營遊擊一員駐劄詔安縣
守備一員 千總一員

把總四員

桐山營遊擊一員駐劄桐山堡原設遊擊康熙
十年裁十一年復設 守備一員

千總二員 把總四員

閩安水師副將一員駐劄閩安鎮
中營遊擊一員 守備一員

千總二員 把總四員

左營守備一員原設遊擊一員康熙二十三年
裁 千總二員

把總四員

烽火營遊擊一員駐劄秦嶼
守備一員 千總二員

把總四員

舊設閩安陸營參將等官康熙二十四年裁
浙閩楓嶺營守備一員

千總一員 把總二員外有遊擊等

官屬浙江管轄

臺灣鎮

鎮守臺灣總兵官一員駐劄臺灣府標下中左
右三營兼轄南路營北路營水師營澎湖水師

管

中營遊擊一員

千總二員 守備一員

左營遊擊一員 把總四員

千總二員 守備一員

右營遊擊一員 把總四員

把總四員 千總二員

臺灣南路營參將一員駐劄鳳山縣
守備一員 千總二員

把總四員

臺灣北路營參將一員劄駐佳里興

守備一員 千總二員

把總四員

臺灣水師營副將一員駐劄紅毛城
中營遊擊一員 守備一員

千總二員 把總四員

左營遊擊一員 守備一員

千總二員 把總四員

右營遊擊一員 守備一員

千總二員 把總四員

澎湖水師副將一員駐劄娘媽宮
左營遊擊一員 守備一員

千總二員 把總四員

右營遊擊一員 守備一員

千總二員 把總四員

閩粵南澳鎮詳見廣東
左營遊擊一員 守備一員

千總二員 把總四員

舊設
右路總兵官一員標下設中左右三營官順治
六年改爲泉州總兵官十一年改爲隨征中路

總兵官康熙六年裁
隨征左路總兵官一員標下設中左右三營官

順治十六年裁
隨征右路總兵官一員標下設中左右三營官

康熙六年裁
閩安水師總兵官一員標下設中左右三營官

康熙元年改爲水師左路總兵官八年裁

同安總兵官一員標下設中左右三營官康熙二十一年裁

海澄總兵官一員標下設中左右三營官康熙十七年改為漳州總兵官二十三年裁

左翼總兵官一員標下設中左右前後五營官康熙十五年裁

右翼總兵官一員標下設中左右前後五營官康熙十五年裁

隨征中路總兵官一員康熙十五年裁

隨征左鎮總兵官一員標下設中左右三營官康熙十六年裁

隨征右鎮總兵官一員標下設中左右三營官康熙十六年裁

隨征前鎮總兵官一員標下設中左右三營官康熙十六年裁

隨征後鎮總兵官一員標下設中左右三營官康熙十六年裁

廈門總兵官一員標下設中左右三營官康熙二十三年裁

銅山總兵官一員標下設中左右三營官康熙二十三年裁

海澄公一員標下設中軍左右前後四營官康熙十七年裁

江東橋副將一員

晉江營遊擊守備各一員

洛陽橋營遊擊守備各一員

圍頭營遊擊守備各一員

平海營遊擊守備各一員

浯澳營遊擊守備各一員

鎮東營守備一員已上康熙二十三年裁

惠安營參將守備各一員

浦城營守備一員

灌口龍江參將一員

蒜嶺營守備一員

楓亭營守備一員已上康熙二十四年裁

鎮成將領十四

山東

登州鎮

鎮守登州總兵官一員駐劄登州府管轄全省

標下中右水師三營所屬文登營寧福營臨清營萊州營膠州營沂州營壽樂營濟南城守營

即墨營青州營德州營兗州營武定營高唐營曹州營壽張營臺莊營東昌城守營安東營范

縣營梁山營沙溝營界河營滿家祠營泰安營原設參將順治十七年改設副將十八年移歸

清總兵官駐登州

中營遊擊一員 守備一員

千總二員 把總四員

右營遊擊一員 守備一員

千總二員 把總四員

舊設左營遊擊一員康熙十六年裁

水師營守備一員原設左營守備康熙六年改設

把總二員

文登營副將一員駐劄文登縣原設守備順治十七年改設副將 守備一員

千總二員 把總四員

舊設中左右營都司僉書三員守備三員康熙五年裁右營十九年俱裁

寧福營參將一員駐劄寧海州

守備一員 千總二員

把總四員

臨清營副將一員駐劄臨清州原設總兵官順治十八年移駐登州改設副將

守備一員原設二員康熙十九年裁一員

千總二員 把總四員

舊設城守營都司僉書一員順治十八年裁都司僉書二員康熙十九年裁一員二十三年裁

一員

萊州營遊擊一員駐劄萊州府原設遊擊順治十八年裁改設副將康熙二十一年裁副將復

設遊擊

守備一員原設二員康熙十九年裁一員

千總二員 把總四員

舊設左右二營都司僉書二員康熙十九年裁

膠州營副將一員駐劄膠州原設總兵官順治十一年裁十二年設參將十五年移駐鎮總兵

官駐膠州康熙二十一年裁改設副將

守備一員原設二員康熙二十一年復

設一員

千總二員

把總四員

沂州營副將一員駐劄沂州原設總兵官順治十五年移駐膠州康熙二十一年改設副將

守備一員 千總二員

把總四員

壽樂營參將一員駐劄壽光縣

守備一員 千總二員

把總四員

濟南城守營參將一員駐劄濟南府

守備一員 千總二員

把總四員

即墨營參將一員駐劄即墨縣原係膠州參將康熙三年移駐即墨

守備一員原設二員康熙七年裁一員

千總二員 把總四員

青州營參將一員駐劄青州府原設參將康熙元年裁五年復設

守備一員 千總二員

把總四員

德州營參將一員駐劄德州

守備一員 千總一員

把總三員

兗州營參將一員駐劄兗州府

守備一員 千總一員

把總四員

武定營遊擊一員駐劄武定州

守備一員 千總二員

把總四員

高唐營遊擊一員駐劄高唐州

守備一員 千總二員

把總三員

曹州營參將一員駐劄曹州

守備一員 千總二員

把總二員

壽張營遊擊一員駐劄壽張縣

守備一員 千總二員

把總三員

臺莊營遊擊一員駐劄臺兒莊

守備一員 千總二員

把總四員

東昌城守營都司僉書一員

千總一員 把總三員

安東營都司僉書一員

千總一員 把總三員

舊設守備一員康熙二十三年裁

范縣營守備一員 把總二員

梁山營守備一員 把總二員

沙溝營守備一員 把總一員

界河營守備一員 把總二員

滿家祠營守備一員 把總一員

泰安營守備一員原係即墨右營守備康熙七年移駐泰安

千總一員

把總一員

舊設 提督一員標下設中左右三營官康熙二十一年裁

膠州總兵官一員標下設中左右前後五營官順治十一年裁

沂州總兵官一員標下設中左右前後五營官順治十五年移駐膠州康熙二十一年裁

金州營守備一員康熙十九年裁

鎮戍將領十五

河南

河北鎮

鎮守懷慶總兵官一員駐劄懷慶府標下左右

二營管轄衛輝營開封營河南營磁州營嵩縣

營王祿店營原設懷慶總兵官康熙七年移駐

開封府懷慶另設參將八年仍移總兵駐懷慶

府裁參將

左營遊擊一員 守備一員

千總二員 把總四員

右營遊擊一員 守備一員

千總二員 把總四員

舊設旗鼓守備一員順治十五年裁中營遊擊

等官康熙十年裁

衛輝營參將一員駐劄衛輝府

守備一員 千總二員

把總三員

開封城守營都司僉書一員原設開歸河南總

兵官順治十三年改設副將一員都司二員康

熙元年裁副將並都司一員

守備一員原設二員康熙元年裁一員

千總二員 把總三員

舊設開封叅將一員左右二營守備等官康熙十八年裁

河南城守營都司僉書一員原設叅將康熙元年改設都司

守備一員

千總二員

把總三員

磁州營都司僉書一員

守備一員

千總二員

把總三員

嵩縣營守備一員

王祿店營守備一員

南汝鎮

鎮守南汝總兵官一員駐劄南陽府標下左右

二營管轄鄧新營汝軍營歸德營襄城營陳州

營

左營遊擊一員

千總二員

右營遊擊一員

千總二員

舊設旗鼓守備一員順治十五年裁中營遊擊

等官康熙二十一年裁

鄧新營守備一員

把總一員

汝寧營叅將一員駐劄汝寧府

守備一員

把總四員

歸德營叅將一員駐劄歸德府

守備一員

千總二員

把總四員

襄城城守營都司僉書一員

守備一員

千總二員

把總四員

陳州營守備一員原係懷慶總兵標下中營守

備康熙十年移設

千總一員

把總一員

舊設

提督一員標下設中左右三營官康熙七年裁

十三年復設十八年裁

開歸河南總兵官一員標下設左右二營官順

治十三年裁

援勦河南總兵官一員標下設中左右三營官

康熙十四年裁

將帥部彙考十

禮記

月令

孟秋之月立秋之日天子乃命將帥選士厲兵簡練

桀俊專任有功以征不義詰誅暴慢以明好惡順彼

遠方

注簡練簡擇而練習之也專任有功謂大將有已

試之功乃使之專主其事也詰者問其罪誅者戮

其人殘下謂之暴慢上謂之慢順服也好惡明則

遠方順服 嚴陵方氏曰才足以將物而勝之謂

之將智足以帥人而先之謂之帥士言其人兵言

其器選士則人無不能於事厲兵則器無不利於

用桀俊簡之則無所不擇練之則無所不熟既選

厲簡練之矣苟非已試之効則勝負猶未可知故

所任必在乎有功之人也任有功矣苟置疑貳於

其間則知者必不盡其謀能者必不竭其力故任

之又欲其專也凡此皆欲以征不義而已無以覆

下之謂暴不能敬上之謂慢詰以問其罪誅以戮

其人所詰誅者暴慢則好惡公而明矣故曰以明

好惡好惡得其明則合天下之所願而無逆矣故

曰順彼遠方必曰遠方者柔遠能邇之意既曰征

不義又曰詰誅暴慢蓋以征不義則言其道詰誅

暴慢則言其事

東西蕃上將次將郎將
各一星圖



圖考

東西蕃上將次將各一星

按星經闕

按史記天官書匡衡十二星藩臣西將東相南四星執法中端門左右掖門門內六星諸侯

按晉書天文志太微垣東蕃四星第三星曰次將第四星曰上將西蕃四星南一星曰上將第二星曰次將

按步元歌兩面宮垣十星布不言

按新法曆書表西上將次將金木東上將次將木土

郎將

按星經闕

按史記天官書太微三光之庭後聚一十五星蔚然曰郎位傍一大星將位也

注索隱曰宋均云為羣郎之將帥也正義曰郎將一星在郎位東北所以為武備今之左右中郎將占大而明角將忤不可當也

按晉書天文志郎將一星在郎位北主閱具所以為武備也

按步天歌烏列帝後從東定郎將虎賁居左右

按新法曆書表同

斗魁戴匡六星
太陽守一星圖



圖考

斗魁戴匡六星

按星經文昌七星在北斗魁前其六星各有名

按史記天官書斗魁戴匡六星曰文昌宮一曰上將二曰次將

按晉書天文志文昌六星在北斗魁前天之六府也主集計天道一曰上將大將軍建威武二曰次將尚書正左右

按步天歌文昌斗上半月形依稀分明六个星不言

按新法曆書表同六星皆屬火

太陽守一星

按星經太陽守在西北主大臣將備天下不虞事星明吉暗凶星移天下兵起


按史記天官書不載

按晉書天文志太陽守一星在相西大將大臣之象主戒不虞設武備

按步天歌太陽之守曰勢前

按新法曆書表同屬火

角宿右星圖



圖考

按星經角二星南左角各天津北右角為天門

按史記天官書左角李右角將火犯守角則有戰

按晉書天文志東方角二星為天關其間天門也左角為天田為理主刑其南為太陽道右角為將主兵其北為太陰道

按步天歌角兩星南北正直著

按新法曆書表同一南金火二北水土

騎官二十七星車騎三星
星騎陣將軍一星圖



圖考

騎官

按星經騎官二十七星在氏南主天子騎虎賁貴諸侯之族子弟宿衛天子今三衛之像

按史記天官書房南衆星曰騎官

按晉書天文志騎官二十七星在氏南若天子武賁主宿衛

按步天歌氏下衆星騎官出騎官之衆二十七三三相連十欠一

按新法曆書表作十三俱屬火土今圖只存五

車騎

按星經車騎三星在騎官南總領車騎行軍之事

按史記天官書不載

按晉書天文志騎官南二星車騎之將也

按步天歌騎官之下三車騎

按新法曆書表同

騎陣將軍

按星經車騎將軍星在騎官東南主車騎將軍之官

按新法曆書表同

按星經車騎將軍星在騎官東南主車騎將軍之官

按新法曆書表同

按史記天官書不載
按晉書天文志騎官東端一星騎陣將軍騎將也
按步天歌將軍鎮裏鎮威霜
按新法曆書表在車騎東南屬火土

房宿四星圖



圖考

按星經房四星名天府上第一星名爲右服上將三名左服次將

按史記天官書東宮蒼龍房心房爲府曰天駟


按晉書天文志房四星爲明堂天子布政之宮也亦四輔也下第一星上將也次次將也

按步天歌房四星直上主明堂

按新法曆書表同屬火土

按新法曆書表同屬火土

河鼓三星圖



圖考

按星經河鼓三星中大星爲大將軍左星爲左將軍右星爲右將軍星直吉曲凶有芒角爲將軍雄強

按史記天官書牽牛北河鼓河鼓大星上將左右左右將

按晉書天文志河鼓三星在牽牛北天鼓也主軍鼓主鈇鉞一曰三武主天子三將軍

按步天歌牛上直建三河鼓

按新法曆書表同屬火木

牽宿十六星圖

圖考

按星經牽宿十六星圖

按史記天官書牽牛北河鼓河鼓大星上將左右左右將

按晉書天文志河鼓三星在牽牛北天鼓也主軍鼓主鈇鉞一曰三武主天子三將軍

按步天歌牛上直建三河鼓

按新法曆書表同屬火木

牽宿十六星圖

按新法曆書表同屬火木

圖考
按星經闕


按史記天官書奎曰封豕為溝瀆

按隋書天文志奎十六星天之武庫也一日天豕亦曰封豕主以兵禁暴又主溝瀆西南大星所謂天豕目亦曰大將

按步天歌腰細頭尖似破鞋一十六星繞鞋生

按新法曆書表同一二金三金火四五六七八九皆金十一十二十三十四十五十六皆火

天大將軍十一星存十星圖



圖考

按星經闕


按史記天官書不載

按晉書天文志天大將軍十二星在蓁北主武兵中央大星天之大將也

按步天歌婁上將軍十一侯

按新法曆書表同增一今圖只十

畢宿八星圖



圖考

按星經闕

按史記天官書畢曰罕車為邊兵主弋獵

按隋書天文志畢八星主邊兵主弋獵其大星曰天

高一曰邊將主四夷之尉也

按步天歌畢恰似丫叉八星出

按新法曆書表同俱屬火

參宿七星圖



圖考

按星經闕

按史記天官書參為白虎三星直者是為衡石其外四星左右肩股也

按晉書天文志參十星白獸之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央二小星曰伐天之都尉也

按步天歌總有七星背相侵兩肩雙足三為心伐有三星足裏深

按新法曆書表同參伐皆屬土木

欽定古今圖書集成明倫彙編官常典

第四百四十卷目錄

將帥部總論一

易經 師卦

吳子 論將

太公六韜 論將 選將 立將

淮南子 兵略訓

潛夫論 勸將

開府元龜 佐命 立功 行軍法 機略 攻取 忠

謀 得士心 名募 訓練 嚴整 以少擊 衆 獲 能 討逆 死事 招降 料 捷 敵 乞師 致師 勸戎事 殲命而勝 獻

官常典第四百四十卷

將帥部總論一

易經

師卦

師貞丈人吉无咎

傳 師之道以正爲本與師動衆以毒天下而不以正民弗從也強驅之耳故師以貞爲主其動雖正也帥之者必丈人則吉而无咎也蓋有吉而有咎者无咎而不吉者吉且无咎乃盡善也丈人者

尊嚴之稱帥師總衆非衆所尊信畏服則安能得人心之從故司馬穰苴擢自微賤授之以衆乃以衆心未服請莊賈爲將也所謂丈人不必素居崇貴但其才謀德業衆所畏服則是也如穰苴既誅莊賈則衆心畏服乃丈人矣又如淮陰侯起於微賤遂爲大將蓋其謀爲有以使人尊畏也本師兵衆也下坎上坤坎險坤順坎水坤地古者寓兵於農伏至險於大順藏不測於至靜之中又卦惟九二一陽居下卦之中爲將之象上下五陰順而從之爲衆之象九二以剛居下而用事六五以柔居上而任之爲人君命將出師之象故其卦之名曰師丈人長老之稱用師之道利於得正而任老成之人乃得吉而无咎戒占者亦必如是也東萊呂氏曰丈人者老成持重諳練之人如趙充國之人是也二以一陽爲卦之主猶將帥也二雖剛中必待五之應猶將帥雖賢必待君爲之應然後能成功也苟五不應師變爲坎矣將帥臨敵而上無君之應豈非天下之至險乎

彖曰師衆也貞正也能以衆正可以王矣

傳 能使衆人皆正可以王天下矣得衆心服從而歸正王道止於是也本此以卦體釋師貞之義以謂能左右之也一陽在下之中而五陰皆爲所以也能以衆正則王者之師矣

剛中而應行險而順

傳 言二也以剛處中剛而得中道也六五之君爲正應信任之專也雖行險道而以順動所謂義兵王者之師也上順下險行險而順也

以此毒天下而民從之吉又何咎矣

傳 師旅之典不无傷財害人毒害天下然而民心從之者以其義動也古者東征西怨民心從也如是故吉而无咎吉謂必克无咎謂合義又何咎矣其義故无咎也本又以卦體卦德釋丈人吉无咎之義剛中謂九二應謂六五應之行險謂行危道順謂順人心此非有老成之德者不能也毒害也師旅之典不无害於天下然以其有是才德是以民悅而從之也

象曰地中有水師君子以容民畜衆

傳 地中有水水聚於地中爲衆聚之象故爲師也君子觀地中有水之象以容保其民畜聚其衆也義本水不外於地兵不外於民故能養民則可以畜衆矣

初六師出以律否臧凶

傳 初師之始也故言出師之義及行師之道在邦國與師而言合義理則是以律法也謂以禁亂誅暴而動苟動不以義則雖善亦凶道也善謂克勝凶謂殃民害義也在行師而言律謂號令節制行師之道以號令節制爲本所以統制於衆不以律則雖善亦凶雖使勝捷猶凶道也制師无法幸而不敗且勝者時有之矣聖人之所戒也

象曰師出以律失律凶也

傳 師出當以律失律則凶矣雖幸而勝亦凶道也九二在師中吉无咎王三錫命

傳 師卦唯九二一陽爲衆陰所歸五居君位是其正應二乃師之主專制其事者也居下而專制其

事唯在師則可自古命將闔外之事得專制之在師專制而得中道故吉而无咎蓋將專則失為下之道不專則无成功之理故得中為吉凡師之道威和並至則吉也既處之盡其善則能成功而安天下故王錫命至於三也凡事至于三者極也六五在上既專倚任復厚其寵數蓋禮不稱則威不重而下不信也人臣之道於事无所敢專唯闔外之事則專制之雖制之在己然因師之力而能致者皆君所與而職當為也義九二在下為衆陰所歸而有剛中之德上應於五而為所寵任故其象占如此

象曰在師中吉承天寵也王三錫命懷萬邦也

程在師中吉者以其承天之寵任也天謂王也人臣非君寵任之則安得專征之權而有成功之吉象以二專主其事故發此義王三錫以恩命褒其成功所以懷萬邦也

六三師或輿尸凶

程三居下卦之上居位當任者也不唯其才陰柔不中正師旅之事任當專一二既以剛中之才為上信倚必專其事乃有成功若或更使衆人主之凶之道也輿尸衆主也蓋指三也以三居下之上故發此義軍旅之事任不專一覆敗必矣義輿尸謂師徒撓敗輿尸而歸也以陰居陽才弱志剛不中不正而犯非其分故其象占如此

象曰師或輿尸大无功也

程倚付二三安能成功豈唯无功所以致凶也六四師左次无咎

程師之進以強勇也四以柔居陰非能進而克捷者也知不能進而退故左次左次退舍也量宜進退乃所當也故无咎見可而進知難而退師之常也唯取其退之得宜不論其才之能否也度不能勝而先師以退愈於覆敗遠矣可進而退乃為咎也易之發此義以示後世其仁深矣義左次謂退舍也陰柔不中而居陰得正故其象如此全師以退賢於六三遠矣故其占如此

象曰左次无咎未失常也

程行師之道因時施宜乃其常也故左次未必為失也如四退次乃得其宜是以无咎義本知難而退師之常也

六五田有禽利執言无咎長子帥師弟子輿尸貞凶

程任將授師之道當以長子帥師二在下而為師之主長子也若以弟子衆主之則所為雖正亦凶也弟子凡非長者也自古任將不專而致覆敗者如晉荀林父邲之戰唐郭子儀相州之敗是也義本六五用師之主柔順而中不為兵端者也敵加於己不得已而應之故為田有禽之象而其占利以搏執而无咎也言語辭也長子九二也弟子三四也又戒占者專於委任若使君子任事而又使小人參之則是使之輿尸而歸故雖貞而亦不免於凶也

象曰長子帥師以中行也弟子輿尸使不當也

程長子謂二以中正之德合於上而受任以行若復使其餘者衆尸其事是任使之不當也其凶宜矣

上六大君有命開國承家小人勿用

程上師之終也功之成也大君以爵命賞有功也開國封之為諸侯也承家以為卿大夫也承受也小人者雖有功不可用也故戒使勿用師旅之興成功非一道不必皆君子也故戒以小人有功不可用也賞之以金帛祿位可也不可使有國家而為政也小人平時易致驕盈况挾其功乎漢之英彭所以亡也聖人之深慮遠戒也此專言師終之義不取爻義蓋以其大者若以爻言則六以柔居順之極師既終而在无位之地善處而无咎者也義本師之終順之極論功行賞之時也坤為土故有開國承家之象然小人則雖有功亦不可使之得有爵土但優以金帛可也戒行賞之人於小人則不可用此占而小人遇之亦不得用此爻也

象曰大君有命以正功也小人勿用必亂邦也

程大君持恩賞之柄以正軍旅之功師之終也雖賞其功小人則不可以有功而任用之用之必亂邦小人恃功而亂邦者古有之矣

吳子

論將

吳子曰夫總文武者軍之將也兼剛柔者兵之事也凡人論將常觀於勇勇之於將乃數分之一耳夫勇者必輕合輕合而不知利未可也故將之所慎者五一日理二日備三日果四日戒五日約理者治衆如治寡備者出門如見敵果者臨敵不懷生戒者雖克如始戰約者法令省而不煩受命而不辭家敵破而後言返將之禮也故師出之日有死之榮無生之辱

吳子曰凡兵有四機一曰氣候二曰地機三曰事機四曰力機三軍之衆百萬之師張設輕重在於一人是謂氣候路狹道險名山大塞十夫所守千夫不過是謂地機善行間謀輕兵往來分散其衆使其君臣相怨上下相咎是謂事機車堅管轄舟利楫楫士習戰陣馬閑馳逐是謂力機知此四者乃可爲將然其威德仁勇必足以率下安衆怖敵決疑施令而下不敢犯所在而寇不敢敵得之國彊去之國亡是謂良將

吳子曰夫擊鼓金鐸所以威耳旌旗麾幟所以威目禁令刑罰所以威心耳威於聲不可不清目威於色不可不明心威於刑不可不嚴三者不立雖有其國必敗於敵故曰將之所歷莫不從移將之所指莫不前死

吳子曰凡戰之要必先占其將而察其才因其形而用其權則不勞而功舉其將愚而信人可詐而誘貪而忽名可貨而賂輕變無謀可勞而困上富而驕下貧而怨可離而間進退多疑其衆無依可震而走士輕其將而有歸志塞易開險可邀而取進道易退道難可來而前進道險退道易可薄而擊居軍下濕水無所通霖雨數至可灌而沉居軍荒澤草楚幽穢風颼數至可焚而滅停久不移將士懈怠其軍不備可潛而襲

武侯問曰兩軍相望不知其將我欲相之其術如何起對曰令賤而勇者將輕銳以嘗之務於北無務於得觀敵之來一坐一起其政以理其追北佯爲不及其見利佯爲不知如此將者名爲智將勿與戰也若

其衆謹譁旌旗煩亂其卒自行自止其兵或縱或橫其追北恐不及見利恐不得此爲愚將雖衆可獲太公六韜

論將

武王問太公曰論將之道奈何太公曰將有五材十過武王曰敢問其目太公曰所謂五材者智勇仁信忠也勇則不可犯智則不可亂仁則愛人信則不欺忠則無二心所謂十過者有勇而輕死者有急而心速者有貪而好利者有仁而不忍人者有智而心怯者有信而喜信人者有廉潔而不愛人者有智而心緩者有剛毅而自用者有懦而喜任人者勇而輕死者可暴也急而心速者可久也貪而好利者可賂也仁而不忍人者可勞也智而心怯者可窘也信而喜信人者可誑也廉潔而不愛人者可侮也智而心緩者可襲也剛毅而自用者可事也懦而喜任人者可欺也故兵者國之大事存亡之道命在於將將者國之輔先王之所重也故置將不可不察也故曰兵不兩勝亦不兩敗兵出踰境期不十日不有亡國必有破軍殺將武王曰善

選將

武王問太公曰王者舉兵簡練英雄知士之高下爲之奈何太公曰夫士外貌不與衆情相應者十五有賢而不肖者有溫良而爲盜者有貌恭敬而心慢者有外廉謹而內無恭敬者有精精而無情者有湛湛而無誠者有好謀而無決者有如果敢而不能者有性慳而不信者有恍恍惚惚而反忠實者有詭激而有功効者有外勇而內怯者有肅肅而反易人者有

嗃嗃而反靜慙者有勢虛形劣而出外無所不至無使不遂者天下所賤聖人所貴凡人不知非有大明不見其際此士之外貌不與衆情相應者也武王曰何以知之太公曰知之有八徵一曰問之以言以觀其詳二曰窮之以辭以觀其變三曰與之間謀以觀其誠四曰明白顯問以觀其德五曰使之以財以觀其廉六曰試之以色以觀其貞七曰告之以難以觀其勇八曰醉之以酒以觀其態八徵皆備則賢不肖別矣

立將

武王問太公曰立將之道奈何太公曰凡國有難君避正殿名將而詔之曰社稷安危一在將軍今某國不臣願將軍帥師應之將既受命乃命太史卜齋三日之太廟鑽靈龜卜吉日以受斧鉞君入廟門西面而立將入廟門北面而立君親操鉞持首授將其柄曰從此上至天者將軍制之復操斧持柄授將其刃曰從此下至淵者將軍制之見其虛則進見其實則止勿以三軍爲衆而輕敵勿以受命爲重而必死勿以身貴而賤人勿以獨見而違衆勿以辯說爲必然士未坐勿坐士未食勿食寒暑必同如此士衆必盡死力將已受命拜而報君曰臣聞國不可從外治軍不可從中御二心不可以事君疑志不可以應敵臣既受命專斧鉞之威臣不敢生還願君亦垂一言之命於臣君不許臣臣不敢將君許之乃辭而行軍中之事不聞君命皆由將出臨敵決戰無有二心若此則無天於上無地於下無敵於前無君於後是故智者爲之謀勇者爲之鬪氣厲骨雲疾若馳驚兵不接

刃而敵降服戰勝於外功立於內吏遷上賞百姓歡悅將無咎殃是故風雨時節五穀豐登社稷安寧武王曰善哉

淮南子

兵略訓

凡國有難君自官名將詔之曰社稷之命在將軍即今國有難願請子將而應之將軍受命乃令祝史太卜齋宿三日之太廟鑽龜卜吉日以受鼓旗君入廟門西面而立將入廟門趨至堂下北面而立主親操鉞持頭授將軍其柄曰從此上至天者將軍制之復操斧持頭授將軍其柄曰從此下至淵者將軍制之將已受斧鉞答曰國不可從外治也軍不可從中御也二心不可以事君疑志不可以應敵臣既以受制於前矣鼓旗斧鉞之威臣無還請願君亦以垂一言之命於臣也君若不許臣不敢將君若許之臣辭而行乃爪髯設明衣也鑿凶門而出乘將軍車載旌旗斧鉞累若不勝其臨敵決戰不顧必死無有二心是故無天於上無地於下無敵於前無主於後進不求名退不避罪唯民是保利合於主國之實也上將之道也如此則智者為之慮勇者為之鬪氣厲青雲疾如馳騖是故兵未交接而敵人恐懼若戰勝敵奔畢受功賞吏遷官益爵祿割地而為調決於封外卒論斷於軍中顧反於國放旗以入斧鉞報畢於君曰軍無後治乃縞素辟舍請罪於君君曰赦之退齋服大勝三年反舍中勝二年下勝期年兵之所加者必無道之國也故能戰勝而不報取地而不反民不疾疫將不夭死五穀豐昌風雨時節戰勝於外福生於

內是故名必成而後無餘害矣

潛夫論

勸將

太古之民淳厚敦朴上聖撫之恬澹無為體道履德簡刑薄威不殺不誅而民自化此德之上也德稍弊薄邪心華生大聖繼之觀民設教坐為誅賞以威勸之既作五兵又為之憲以正厲之詩云修爾與馬弓矢戈兵用戒作則用逃蠻方故曰兵之設也久矣涉歷五代以迄於今國未嘗不以德昌而以兵彊也今兵巧之械盈乎府庫孫吳之言聒乎將耳然諸將用之進戰則兵敗退守則城亡是何也哉曰彼此之情不聞乎主上勝負之數不明乎將心士卒進無利而自退無畏此所以然也夫服重上阪出馳千里馬之禍也然節馬樂之者以王良足為盡力也先登陷陣赴死嚴敵民之禍也然節士樂之者以明君可為効死也凡人所以肯赴死亡而不辭非為趨利則因以避害也無賢鄙愚智皆然顧其所利害有異爾不利顯名則利厚賞也不避恥辱則避禍亂也非四者雖聖王不能以要其臣慈父不能以必其子明主深知之故崇利顯賞以與下市使親疎貴賤賢鄙愚智皆必順我令乃得其欲是以一旦軍鼓雷震旌旗並發士皆奮激競於死敵者豈其情厭久生而樂害死哉乃義士且以激其名貪夫且以求其賞爾今吏從軍敗沒死公事者以十萬數上不聞弔唁嗟嘆之榮名下又無祿賞之厚實節士無所勸慕庸夫無所貪利此其所以人懷沮懈不肯復死也軍起以來暴師五年典兵之吏將下千數大小之戰歲千百合而希有

功歷察其敗無他故焉皆將不明變勢而士不勤於死敵也其士之不能死也乃其將不能效也言賞則不與言罰則不行士進有獨死之禍退蒙衆生之福此所以臨陣亡戰而競思奔北者也孫子曰將者智也仁也敬也信也勇也嚴也是故智以折敵仁以附衆敬以招賢信以必賞勇以益氣嚴以一令故折敵則能合衆衆附愛則思力戰賢智集則陰謀得賞罰必則士盡力氣勇益則兵勢自倍威令一則唯將所使必有此六者乃可折衝擒敵輔主安民前羌始反時將帥以定令之羣籍富厚之蓄據列城而氣利勢權十萬之衆將勇傑之士以誅草創新叛敵亂之弱鹵擊自至之小寇不能擒滅輒為所敗令遂雲蒸霧起合從連橫掃條并源內犯司隸東寇趙魏西鈔蜀漢五州殘破六郡削迹此非天之災長吏過爾孫子曰將者民之司命而國安危之主也是故諸有寇之郡太守令長不可以不曉兵今觀諸將既無斷敵合變之奇復無明賞必罰之信然其士民又甚貧困器械不簡習將恩不素結卒然有急則吏以暴發虐其士士以所拙遇敵巧此為吏驅怨以禦讎士卒縛手以待寇也夫將不能勸其士士不能用其兵此二者與無士無兵等無士無兵而欲合戰其敗負也治數也故曰其敗者非天之所災將之過也饒士處世但患無典爾故苟有土地百姓可富也苟有市利商賈可來也苟有士民國家可彊也苟有法令姦邪可禁也夫國不可從外治兵不可從中御郡縣長吏幸得兼此數者之斷已而不能以稱明詔安民氓哉此亦培克闢耳無里之爾夫世有非常之人然後定非常